

- f. 2^v. Ut nec ullum paciari pedis offendiculum'.
 'Scriptum est', respondit illi, 'non temptabis Dominum'.
 Sicque suum temptatorem confundit nequissimum.
- 235 Postquam cepit regnum Dei predicare populo,
 Cum apostolorum sepe Dominus collegio
 Intrans templum faciebat magxima prodigia,
 Infirmorum curans ibi corpora debilia.
 Quodam die cum intraret in virtute spiritus,
- 240 Vidit vendere columbas et boves cum ovibus;
 Tunc cum prepararet sibi flagellum de restibus,
 Expulit vendentes inde simul cum ementibus;
 Numulariorum quidem es effundit omnium,
 Nec non cathedras evertit columbas vendencium,
- 245 Dicens illis: 'Ista domus universis gentibus
 Domus est oracionis, sicut scriptum legimus;
 Vos autem fecistis illam speluncam latronibus!'
 Asserunt quidam de nostris orthodoxis patribus
 Nichil in terra fecisse Christum mirabilius;
- 250 Nam cum necdum ab eisdem Deus esset cognitus,
 Sed nec ulla 'seculari potestate peditus,
 Solus tamen tot de templo valuit eicere,
 Ut eorum nullus illi ausus sit resistere.
- Quodam die deprehensa mulier adultera
- 255 Est adducta coram illo intra templi spacia;
 Hanc subtilis Iudeorum adduxit perfidia,
 Ut in verbis caperetur Dei sapiencia.
 Dicunt enim pharisei atque scribe Domino:
 'Mulier hec deprehensa est in adulterio,
- 260 Et in lege lapidare Moyses huiusmodi
 Iussit nobis; tu quid dicis huic debere fieri?'
 Si dixisset: 'Lapidetur', diceretur impius,
 Si vero: 'Non lapidetur', quasi legis nescius
 Et transgressor mandatorum videretur omnibus.

251 'ulla' von zweiter Hand übergeschrieben.

252 'uoluit' Hs.

255 'aducta' Hs.